

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 4. i člana 14. Zakona o proglašenju Spomenika prirode „Tajan“ („Službene novine Zeničko-dobojskog kantona“, broj: 3/8) i člana 3. Odluke o osnivanju lovišta na području Zeničko-dobojskog kantona („Službene novine Zeničko-dobojskog kantona“, broj: 10/09), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 9. sjednici održanoj dana 12.06.2019. godine, d o n o s i

ODLUKU

**o ustupanju privrednog lovišta „KAMENICA“, na području Općine Zavidovići
na korištenje i upravljanje JP „ŠPD ZDK“ d.o.o. Zavidovići za lovnu 2019/2020. godinu**

Član 1.

(Predmet Odluke)

Ovom Odlukom Javnom preduzeću „Šumsko-privredno društvo Zeničko-dobojskog kantona“ d.o.o. Zavidovići-Poslovna jedinica Spomenik prirode „Tajan“ ustupa se privredno lovište „KAMENICA“ na području općine Zavidovići na korištenje i upravljanje za lovnu 2019/2020. godinu.

Član 2.

(Uslovi privremene dodjele lovišta)

(1) Zadužuje se Javno preduzeću „Šumsko-privredno društvo Zeničko-dobojskog kantona“ d.o.o. Zavidovići-Poslovna jedinica Spomenik prirode „Tajan“ da će koristiti i upravljati privrednim lovištem „KAMENICA“ u skladu sa godišnjim planom gospodarenja lovištem za lovnu 2019/2020. godinu.

(2) Za korištenje i upravljanjem privrednim lovištem „KAMENICA“ Javno preduzeće „Šumsko-privredno društvo Zeničko-dobojskog kantona“ d.o.o. Zavidovići je dužno uplatiti naknadu u visini od 11% planiranog godišnjeg prihoda od odstrjela divljači iz važeće Lovnogospodarske osnove ili privremenog plana gospodarenja divljači, za lovnu 2019/2020. godinu, na depozitni račun Zeničko-dobojskog kantona 1340100000001672, vrstu prihoda 721227, budžetska organizacija 2301001.

Član 3.

(Obaveza za zaključivanje ugovora)

Zadužuje se Ministarstvo za poljoprivredu, šumarstvo i vodoprivredu Zeničko-dobojskog kantona da sa Javnim preduzećem „Šumsko-privredno društvo Zeničko-dobojskog kantona“ d.o.o. Zavidovići-Poslovna jedinica Spomenik prirode „Tajan“, zaključi ugovor o ustupanju na korištenje i upravljanje privrednim lovištem „KAMENICA“ na području općine Zavidovići.

Član 4.

(Realizacija Odluke)

Za realizaciju ove odluke zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

Član 5.

(Stupanje na snagu i objava Odluke)

Ova odluka stupa na snagu danom donošenja i objavit će se u Službenim novinama Zeničko-dobojskog kantona.

Broj: 02-26-9925/19

Datum, 12.06.2019. godine

Z e n i c a

PREMIJER

Mirza Ganić

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x „Službene novine Zeničko-dobojskog Kantona“,

1x a/a.

Obrazloženje

PRAVNI OSNOV

Pravni osnov za donošenje ove Odluke temelji se na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona”, broj: 7/10), člana 4. i člana 14. Zakona o proglašenju Spomenika prirode „Tajan“ („Službene novine Zeničko-dobojskog kantona“, broj: 3/08) i člana 3. Odluke o osnivanju lovišta na području Zeničko-dobojskog kantona („Službene novine Zeničko-dobojskog kantona“, broj: 10/09).

RAZLOZI DONOŠENJA

Skupština Zeničko-dobojskog kantona donijela je Odluku o osnivanju lovišta na području Zeničko-dobojskog kantona („Službene novine Zeničko-dobojskog kantona“, broj: 10/09). U članu 3. Odluke propisano je: „Na području Zeničko-dobojskog kantona osnivaju lovišta u administrativno-političkim granicama općina po principu jedna općina jedno lovište, osim općina Žepče i Zavidovići, s tim da se na području općine Zavidovići privredno lovište Javnog preduzeća „Šumsko-privredno društvo Zeničko-dobojskog kantona“ d.o.o. Zavidovići može proglasiti posebnim lovištem u skladu sa članom 31. Zakona o lovstvu („Službene novine Federacije Bosne i Hercegovine“, broj: 4/06), o čemu odluku donosi Vlada Federacije na prijedlog resornog federalnog ministarstva, a do proglašenja istog posebnim lovištem na području općine Zavidovići i dalje ostaju dva postojeća lovišta, i to sportsko-privredno lovište i privredno lovište“.

Članom 31. Zakona o lovstvu („Službene novine Federacije Bosne i Hercegovine“, broj: 4/06, 8/10 i 81/14) (u daljem tekstu: Zakona o lovstvu), definisana su lovišta po namjeni, i to: sportsko-privredna, privredna i posebna lovišta. Pod privrednim lovištem podrazumijeva se lovište čija je osnovna namjena bavljenjem lovstvom u cilju sticanja dobiti, a dok posebno lovište predstavlja lovišta koja se prostiru na površinama šuma sa posebnom namjenom (naučnog, kulturnog, vjerskog, historijskog i drugog značenja), kao i na površinama koje predstavljaju izuzetno pogodna staništa rijetkih, vrlo rijetkih i vrijednih vrsta divljači.

Članom 36. Zakona o lovstvu propisano je da se privredno lovište dodjeljuje na korištenje u skladu sa Zakonom o lovstvu, Zakonom o koncesijama („Službene novine Federacije Bosne i Hercegovine“, broj: 40/02 i 61/06) i Zakonom o koncesijama Zeničko-dobojskog kantona („Službene novine Zeničko-dobojskog kantona“, broj: 5/03), te da pravo na učešće imaju pravna lica registrovana za bavljenjem lovstvom, privredna društva šumarstva i lovačka udruženja, kao i da Vlada Kantona na prijedlog kantonalnog Ministarstva utvrđuje opće i posebne uslove za dodjelu koncesije.

Članom 14. Zakona o proglašenju Spomenika prirode „Tajan“ („Službene novine Zeničko-dobojskog kantona“, broj: 3/08) propisano je „Upravljanje Spomenikom prirode u skladu sa Zakonom o proglašenju Spomenika prirode „Tajan“, Prostornim planom područja posebnih obilježja, Planom upravljanja i drugim propisima, povjerava se Javnom preduzeću „Šumsko-privredno društvo Zeničko-dobojskog kantona“ d.o.o. Zavidovići (u daljem tekstu: Upravitelj)“.

Shodno inicijativi Federalnog ministarstva poljoprivrede, vodoprivrede i šumarstva Sarajevo broj: 08-26-7589-5/15 M.B. od 23.06.2015. godine, koja se odnosila na ustanovljenje (proglašenje) posebnih lovišta na području Federacije Bosne i Hercegovine, a kojom je između ostalih lovišta na području Federacije BiH, bilo predviđeno i ustanovljenje (proglašenje) privrednog lovišta „KAMENICA“ na području općine Zavidovići posebnim lovištem, te s tim vezi ovo Ministarstvo je zatražilo izjašnjenje od Javnog preduzeća „Šumsko-privredno društvo Zeničko-dobojskog kantona“ d.o.o. Zavidovići (u daljem tekstu: JP „ŠPD ZDK“ d.o.o. Zavidovići) i Općine Zavidovići. Od strane JP „ŠPD ZDK“ d.o.o. Zavidovići i Općine Zavidovići dostavljena su izjašnjenja da nisu saglasni da se lovište „KAMENICA“ proglasi posebnim lovištem iz razloga što je Zakonom o proglašenju Spomenikom prirode „Tajan“, proglašen Spomenik prirode Tajan kao kategorija zaštićenog područja, kojim su određene granice koje obuhvataju mjere zaštite, intervencije, korištenje prirodnih vrijednosti, upravljanje, finansiranje i nadzor na primjenom Zakona, a istim upravlja JP „ŠPD ZDK“ d.o.o. Zavidovići. U izjašnjenjima se dalje navodi da je Odlukom o izmjenama i dopunama Odluke o osnivanju JP „ŠPD ZDK“ d.o.o. Zavidovići

(„Službene novine Zeničko-dobojskog kantona“, broj: 11/09), formirana i Poslovna jedinica Spomenik prirode „Tajan“-JP „ŠPD ZDK“ d.o.o. Zavidovići, koji se nalazi u granicama lovišta „KAMENICA“. U Poslovnoj jedinici Spomenik prirode „Tajan“ zaposlene osobe zadužene za oblast lovstva na radnim mjestima nadzornik lovišta, rendžer i lovočuvar koji u opisu poslova imaju obavezu primjenjivati Zakon o lovstvu i druge propise donesene na osnovu istog. Dalji razlozi su bili da je postojala bojazan da Vlada Federacije BiH može dati drugom subjektu upravljanje i korištenje lovišta Kamenica, što bi izazvalo velike probleme u odvijanju različitih sportsko-rekreativnih aktivnosti, tj. dešavalo bi se da turisti u isto vrijeme posjećuju pećine, jezero na Mašici da se bave ribolovom, planinarenjem ili da voze bicikla, i u isto vrijeme se u lovištu obavljaju lovne aktivnosti. Naime, u odredbi člana 31. stav 8. Zakona o lovstvu, nije definisano kome Vlada Federacije može dati na upravljanje i korištenje posebno lovište, a niti je resorno Federalno ministarstvo u svom aktu broj: 08-26-7589-5/15 M.B. od 23.06.2015. godine, dalo opredjeljenje da se lovište „KAMENICA“ da na korištenje i upravljanje JP „ŠPD ZDK“ d.o.o. Zavidovići.

Kako su od strane JP „ŠPD ZDK“ d.o.o. Zavidovići i Općine Zavidovići dostavljena negativna mišljenja po inicijativi Federalnog resornog ministarstva, na prijedlog ovog Ministarstva Vlada Kantona donijela je Zaključak broj: 02-26-3842/16 od 19.02.2016. godine kojim se prihvata Mišljenje Ministarstva broj: 05-26-13502-3/15 od 02.02.2016. godine.

Ističemo da je u toku izrada novog federalnog Zakona o lovstvu, kojim je predloženo da će se posebna lovišta dodjeljivati korisniku državnih šuma na kojima je isto ustanovljeno, te da će se posebno lovište koje se nalazi u okviru područja zaštićenog, u skladu sa Zakonom o zaštiti prirode („Službene novine Federacije BiH“, broj: 66/13), dati na korištenje upravitelju tog zaštićenog područja, odnosno JP „ŠPD ZDK“ d.o.o. Zavidovići.

Kako bi se prevazišle poteškoće u implementaciji Zakona o lovstvu („Službene novine Federacije Bosne i Hercegovine“, broj: 4/06, 8/10 i 81/14), a posebno prevazišle aktivnosti na dodjeli privrednog lovišta „KAMENICA“ pod koncesiju što je u suprotnosti sa Zakonom o proglašenju Spomenika prirode „Tajan“, spriječio krivolov, pratilo zdravstveno stanje divljači, poduzele mjere na sanaciji istih u lovnoj 2019/2020. godini, a kako su u toku aktivnosti na davanju saglasnosti na godišnji plan gospodarenja lovište za lovnu 2019/2020. godinu, ovo Ministarstvo se odlučilo da dostavi prijedlog Odluke o ustupanju privrednog lovišta „KAMENICA“, na području općine Zavidovići na korištenje i upravljanje JP „ŠPD ZDK“ d.o.o. Zavidovići-Poslovna jedinica Spomenik prirode „Tajan“, za lovnu 2019/2020. godinu, na temelju koje bi se zaključio ugovor o davanju privrednog lovišta „KAMENICA“, JP „ŠPD ZDK“ d.o.o. Zavidovići-Poslovna jedinica Spomenik prirode „Tajan“ na privremeno korištenje uz obavezu da je JP „ŠPD ZDK“ d.o.o. Zavidovići dužno za lovnu 2019/2020. godinu, u skladu sa članom 5. Cjenovnika odstrela i upotrebe divljači, te drugih usluga u lovištu na bazi tržišne vrijednosti („Službene novine FBiH“, broj: 74/12), na ime privremenog korištenja i upravljanje privrednog lovišta „KAMENICA“, uplatiti iznos u visini od 11% od planiranog godišnjeg prihoda od odstrjela divljači iz važeće Lovnogospodarske osnove ili privremenog plana gospodarnjem lovištem na tekuću lovnu godinu.

Imajući u vidu navedeno, Ministarstvo predlaže Vladi Kantona da donese odluku, kao u prijedlogu.